


Mientras cu na Aruba Asambeho a perde un tiki forza **TOK Rhythm & Brass ta haciendo estrago na Europa**

Tabata un placer di por a combersá cu Nelson 'Natty' Abraham. Un hoben cu henter su bida el a dedicá na e ritmo aki di asambeho. Despues di a finalizá su estudio na Aruba el a banda na Aruba pa sigui studia na Hulanda, e aña ey mes hopi ta esnan cu tabata toka den diferente brassband tambe a bandoná Aruba pa sigui studia afo.

Mirando cu e ritmo aki e tiné den su sanger el a forma



parti di un brassband na Hulanda, pero mirando cu loke e tabata den su man no tabata un flexible el a dicidí di forma su mesun brassband hunto cu Gerry Brooks. Cu tampoco no ta un persona desconocí den e mundo di brassband.

Aki ta caminda a forma TOK "The Original Kids". Cu e grupo aki e energia cu Natty ta expresá den nan presentacionan ta mucho mas expresivo y esaki nos a mira den e video-KLIP cu nos a haña pa mira como tambe den e diferente presentacionnan cu nan tabatin na Hulanda y su alredeoranan.

E ritmo aki ta masha contagioso cu nan a wordo yamá pa presentá na un di programanan mas prestigioso di TV Hulandes.

Cu esaki e confirmacion ta cla ya cu nos sa bon cla kico y con na Hulanda ta mira e ritmo aki. Sigur un straño, pero cu hopi ritmo. E coreografía cu ta bin compaña cu cada tema ta pone cu e grupo aki ta único.

TOK tin un meta y esaki ta

pa internacionalizá e ritmo aki cu a nace, wordo creá y ta nativo di nos isla di Aruba.

TOK tin un mínimo di 100 toca pa aña den nan e participacion na diferente festival caminda nan ta compartí escenario cu diferente artista renombrá. Den un di e presentacionan nan a bira favorito lagando e artista grandi nan manera Oscar D'Leon basta leu. E público Europeo gusta ritmo,

pero ora esun di asambeho dal nan ta mescos cu ta e locura a start.

E intencion di internacionalizá e ritmo aki no ta mucho leu ya cu e contactonan a wordo hací. Natty tin e pensamiento cu si Salsa y Merengue a pega na e paísnan Asiático, pakico no e ritmo di asambeho.

Ta pesey nan a pone un web-site p'asina mundo por mira kico nan tin y kico nan

ta ofrecé. E adress cu abo tambe por mira, lesa y scucha kico ta TOK ta.... www.tok.nl. Aki lo bo mira con leu e hendenan aki ta promoviendo nan mes y e ritmo aki.

Den e próximo simannan lo lanza un produccion completo y e tema promocional ya caba ta na Aruba.

Den e temporada di Carnaval e stacionnan mas importante tabata draai esaki. Party Time a pone un estilo único ya cu e pieza aki ta di propio inspiracion di e muchanan di TOK den

comberacion cu Natty nos a concluí cu Aruba lo por sigui haña mas sorpresa di nan ya cu e idea di presentá un video-KLIP ta único ya cu si kier internacionaliza bo producto bo tin cu ta prepará p'e.

Nos palabra di felicitacion ta bai na Natty y su muchanan cu ta conformá TOK Rhythme & Brass. Un brassband di Arubiano y Antiyanonan residencia na Hulanda. Sigur nos lo kier mira boso na Aruba pronto p'asina Aruba caba di convencé su mes cu e ritmo aki no tin frontera.

